

Ezhi-naanaagadawendamang

Li apii 2008, Zhaaganaashii ogimaa gii-gagwedwe miinawaa aanind ji-niizhoomogin miikanan gaawiin gii-ikido idash Anishinaabeg, gaawiin idash weweni gegoo gii-wiindmaasiwag waa-izhichiged Wemitigoozhi.

Miinawaa o’apii Binaakwiiwigiizis 2018, gii-gagwedwe miinawaa wii-taangibii’igewag Wauzhushk Onigum, Washagamis Bay, Shoal Lake 40, and Niisaachewan akawe ji-naanaagazondamang ge-izhichigeyang. Oshki-inaakonigewin ogii-gagwedwenaawaan ji-niizho-wiiji’idiyang ogowe Niiwin Wendaanimok ezhinikaazowaad (Four Winds Partnership). Gabe aya’ii go gii-gaganoonindiwag ge-izhichigengiban.

Li apii Makoonsiwigiizis 2020, *Manito Aki Inakonigaawin* (the Great Earth Law), gaye United Nations Declaration on the Rights of Indigenous Peoples (“UNDRIP”), miiwan onowe gaa-aabajitoowaad Anishinaabeg ge-inaakonigeyang miiwan onowe gaa-taangibii’amawaad Zhaaganaashii ogimaa gaye Niiwin Wendaanimok Anishinaabeg. Miiwag ogowe ge-anokiitamowaad ge-inaakonigeng.

Anishinaabeg oga-wiidanokiimaawaa’ wegimaawaadizininid. Ayaa mazina’igan epiitendamang gidakiiminaan ezhi-naanaagajitooyang gakina gegoo omaa akiing, gidoodoonan, ge-onji-gikendangiban gegoo Zhaaganaashii ogimaa. Nitam ge-izhinaagwak MTO’s biigobijiged akiing. Anishinaabe ogikendaan ge-izhi-gwayakochigeyang. Naagwad ge-izhi-oko-wiiji’idiyangoban.

Anishinaabe ogikendaan ge-izhinaagwakiban gidakiiminaan, nibi, akiing, giizhig. Aazha gii-ikidong bangii eta gegoo ji-odaapinaman waa-aabajitooyan. Wemitigoozhi waa-izhichiged wii-pashkwada’ige, wii-moonike, wii-paasaabikizige, wii-siibiike, moonaa’aabikwe, aanjiwinaad mitigoo’, asiniikaadang miikana, wii-azhe-naanaajichigeaazo. Giinawind ge-izhichigeyang apii ge-wiikongechigeyang, Anishinaabeg gekendaasowaad, naanaagajitoowaad gegoo omaa akiing, wii-gagwe-azhe-gitigewaad, wii-gagwe-minochiged. Nawaj गयाabi baatayinadon ge-dazhindamang ji-gwayakochigeyang. Gaawiin igo gakina gegoo debwetanziiwag Anishinaabeg ezhibii’igaadeg mazina’igan. Akawe ji-naanaagadawendamang ge-izhi-nakwetamang owe *Manito Aki Inakonigaawin*.

